

Aningaasaqarnermut Ataatsimiititaliap suliaq nr. 01.31.06/08-00355 pillugu pingasunngornermi 6. juni 2008-mi aalajangiinera pillugu Naalakkersuisunut ilisimatitsineq.

(Naalakkersuisut siulittaasuata ulloq 20. juni 2008-mi aalajangiinera)

Suli-niutunut nutaanut sillimmatinit aningaasaliinissaq nunalerinermut tapersiissuteqartoqarnis-saanik pisariaqartitsineq naapertorlugu

Naalakkersuisut inassutigaat,

- Kontomi pingaarnermi 20.11.70-mi aningaasaliissutit 2008-mi 4.000.000 kr.-nik ikilineqassasut, aammalu

- Kontomi pingaarnermi 51.07.45-mi aningaasaliissutit 2008-mi 4.000.000 kr.-nik amerlineqassasut,

- 3 mio. kr.-nik nerukkaatissarsiorniarnermut naggorissaatinillu pisinissamut atasumik AI 2008-mi oqaasertaliussanik oqaasertaliussallu nassuiaatitaanik nu taamik tunngaveqartumik qularnaveeqqusiisoqassasoq, aammalu,

- qularnaveeqqusiinermut tunngatillugu oqaasertaliussassatut oqaasertaliussallu nassuiaatitassaatur ilanngussa Aningaasaqarnermut Ataatsimiititaliamit akuersissutigineqassasoq.

Aningaasaqarnermut Ataatsimiititaliap oqaaseqaatai

Sillimmatit 4 mio. kr.-it nunalerinermi suliniutunut nutaanut 2008-mi aningaasanut inatsimmi immikkoortinneqartut atugassiissutigineqarnissaat Naalakkersuisut suliasami matumani qinnutigaat.

Tamatuma saniatigut nutaamik oqaasertaliinikkut savaatillit nerukkaatissanik pisinissaannut 3 mio. kr.-inik qularnaveeqqusiisinnaaneq qinnutigineqarpoq.

2008-mi aningaasanut inatsisissatut siunnersuummik akuersissutiginninnermi Inatsisartut nunalerinermi naalakkersuinikkut anguniagaannut qinnuteqaat naapertuuttutut isigineqarmat nunalerinermut aningaasaliussat atugassiissutigineqarnissaannik qinnuteqaat Aningaasaqarnermut Ataatsimiititaliamit maannangaaq akuersissutigineqarsinnaavoq. Aallaavik tamannarpiaq tunngavigalugu suliassaq 08-325-imik suliarinninnermut atatillugu sillimmatit aningaasaliussat allanut atorineqarnissaannik qinnuteqaat ataatsimiititaliamit siusinnerusukkat itigartitsissutigineqarpoq.

Aningaasaqarnermut Ataatsimiititaliap aalajangiisarnermi aalajangersimasumik tunaartaqarnera takujuminaatsoq ANAN-ip tusarniaanermut akissutaani ilanngunneqarsimasumi allassimasoq ataatsimiititaliamit maluginiarneqarpoq, ataatsimiititaliarmi 2008-mi aningaasanut inatsisissatut siunnersuummik suliarinninnermut atatillugu oqarmat inuussutissarsiornikkut aqqissuussanut imminnut akilersinnaangitsunut (tunisassiorfinnut) Namminersornerullutik Oqartussat pisortat aningaasaataannik tapiissuteqartarnerat killilersimaarneqartariaqartoq. Tassunga atatillugu oqaatigineqassaaq Aningaasaqarnermut Ataatsimiititaliamit isigalugu tunisassiorfiit atorineqartatik uningaannartut tapiiffigineqartarnerat aammalu nunalerinermik inuussutissarsiuteqarnerup suliffissanik taamatullu inuussutissanik pilersuinnermut tapertaaqataasup tapiiffigineqartarnera assigiinngissuteqartut. Tamatuma saniatigut nunalerinermik inuussutissarsiutip aningaasaqarnikkut imminnut napatissinnaanerulernissaannik suliniutit maanna ingerlanneqartut ungasinnerusoq isigalugu siuarsarneqarnissaanut aningaasaliissutinik allannguneq matumani pineqartoq naleqquttuusutut ataatsimiititaliamit isigineq1arpoq, tamannalu ataatsimiititaliamit

tapersorsornartinneqarpoq.

Tamanna tunngavigalugu inuussutissarsiornikkut aqqissuussanut ersarilluinnartumik imminnut akilersinnaanngitsunut tapiissutit ikilisarneqarnissaat imaluunniit siumut isigisumik aningaasaliinernut allanngortinneqarnissaat Aningaasaqarnermut Ataatsimiititaliap suli anguniagarimmagu ataatsimiititaliamit naqissuserneqassaaq.

Tamatuma saniatigut allaffissornikkut periusissanut piumasaqaataasutut nalinginnaasumik atuuttunut naapertuunnerusumik ataatsimiititaliap isummernissaanut tunngavissiaq suliarineqar sinnaasimagaluartoq oqaatigineqassaaq.

Kiisalu qinnuteqaatip matumani pineqartup Aningaasaqarnermut Ataatsimiititaliamut aatsaat ulloq 29. juli 2008-mi ¿ tassa Naalakkersuisut qinnuteqaammik akuersissutiginninnerannit qaammat ataaseq qaangiutereersoq ¿ nassiunneqarnera ataatsimiititaliamit eqqumiigineqarmat oqaatigineqassaaq!

Aningaasaqarnermut Ataatsimiititaliap aalajangiinera

Siuliani allassimasutut paasinnineq tunngaviutillugu Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua